

დმანისის მუნიციპალიტეტის საკრებულოს თავმჯდომარის - პაატა ყულიაშვილის 2022- 2023 წელს გაწეული მუშაობის ანგარიში

2022 წლის ნოემბრიდან მიმდინარე საანგარიშო წლის განმავლობაში როგორც დმანისის მუნიციპალიტეტის საკრებულოს თავმჯდომარემ, საკრებულოსთან ერთად მიღებული იქნა ბევრი მნიშვნელოვანი გადაწყვეტილება, დამტკიცებული იქნა სხვადასხვა ინფრასტრუქტურული პროექტები, მოსახლეობის ინტერესებიდან გამომდინარე სოციალური პროგრამები.

- დმანისის მუნიციპალიტეტის საკრებულოსა და სსიპ საჯარო რეესტრის ეროვნული სააგენტოს თანამშრომლობის საფუძველზე წარმატებით დასრულდა დმანისის მუნიციპალიტეტში შემავალი ორმოცდათხუთმეტივე სოფლის დამისამართების სამუშაოები, რაც თავის მხრივ მოიცავდა: 1) ყველა დაუმისამართებელ სოფელში (54 სოფელი) სახელწოდების არმქონე ქუჩების სახელდება (დმანისის მუნიციპალიტეტის საკრებულოს 2022 წლის 22 ნოემბრის განკარგულება №გ-109, 109223267); 2) ყველა დაუმისამართებელი სოფლის (54 სოფელი) განაშენიანებულ ტერიტორიაზე ახლად სახელდება ქუჩების გათვალისწინებით, სააგენტოს მიერ უძრავი ნივთებისთვის ნუმერაციის მინიჭება და მათთვის ინდივიდუალური მისამართების განსაზღვრა, სამისამართო რეესტრში რეგისტრაცია (ელექტრონულ მონაცემთა ბაზაში აღრიცხვა);
- 2022 წელს საკრებულოს მიერ დამტკიცებულ სოციალურ პროგრამებს მოსახლეობის ინტერესებიდან გამომდინარე დაემატა 6 ახალი პროგრამა, მთლიანობაში შეადგინა 16 პროგრამა:
 1. „ერთჯერადი ფინანსური დახმარების 2023 წლის მუნიციპალური ქვეპროგრამა“
 2. „დიალიზის სახელმწიფო პროგრამით მოსარგებლე პირების დახმარების 2023 წლის მუნიციპალური ქვეპროგრამა“
 3. „ფენილკეტონურიით და გლუტენის ავადმყოფობით (ცელიაკია) დაავადებულ ბავშვთა სპეციფიკური კვების პროდუქტებით დახმარების 2023 წლის მუნიციპალური ქვეპროგრამა“
 4. „მკვეთრად და მნიშვნელოვნად გამოხატული შეზღუდული შესაძლებლობის მქონე უსინათლო პირების დახმარების 2023 წლის მუნიციპალური ქვეპროგრამა“
 5. „მიცვალებულთა სარიტუალო მომსახურების 2023 წლის მუნიციპალური ქვეპროგრამა“
 6. „18 წელს გადაცილებულ შეზღუდული შესაძლებლობის ქალთა და 18 წლამდე შეზღუდული შესაძლებლობის მქონე პირთა 2023 წლის სოციალური დაცვის მუნიციპალური ქვეპროგრამა“
 7. „მარჩენალდაკარგული, დედ-მამით ობოლი ბავშვების სოციალური დაცვის 2023 წლის სოციალური ქვეპროგრამა“
 8. „ზამთრის სეზონის დადგომასთან დაკავშირებით საწვავით (ბიოსაწვავი „ბრიკეტით“) უზრუნველყოფის 2023 წლის მუნიციპალური ქვეპროგრამა“
 9. „სოციალურად დაუცველი მოსახლეობის სამედიცინო სტაციონარული, ამბულატორიული დახმარების, ფიზიკური თერაპიისა და რეაბილიტაციის 2023 წლის მუნიციპალური ქვეპროგრამა“
 10. „აუტიზმის სპექტრის აშლილობათა მქონე ბავშვების რეაბილიტაციის სოციალური დახმარების 2023 წლის მუნიციპალური ქვეპროგრამა“
 11. „მოქალაქეთა მედიკამენტებით და საანალიზო ტექნიკური საშუალებებით უზრუნველყოფის 2023 წლის მუნიციპალური ქვეპროგრამა“
 12. „ტრანსპორტით მომსახურების 2023 წლის მუნიციპალური ქვეპროგრამა“
 13. „ხანდაზმულთა შინმოვლისა და ჯანსაღი დაბერების თანადაფინანსების 2023 წლის მუნიციპალური ქვეპროგრამა“
 14. „დმანისის მუნიციპალიტეტის ტერიტორიაზე რეგისტრირებული უსახლკარო სტატუსის მქონე მრავალშვილიანი (არასრულწლოვანი) ოჯახების დროებითი საცხოვრისით უზრუნველყოფის 2023 წლის ქვეპროგრამა“
 15. „ბავშვთა რეაბილიტაცია/აბილიტაციის პროგრამაში ჩართული 0-18 წლამდე შშმ სტატუსის მქონე არასრულწლოვანი, ბავშვიანი ოჯახების ქირით უზრუნველყოფის 2023 წლის ქვეპროგრამა“

16. „ოჯახში ძალადობის აღკვეთის, ოჯახში ძალადობის მსხვერპლთა დაცვისა და დახმარების (ქირით უზრუნველყოფის) 2023 წლის ქვეპროგრამა.“

➤ ასევე, მუნიციპალიტეტში მცხოვრები ახალგაზრდების განვითარების ხელშეწყობის მიზნით დამტკიცდა შემდეგი პროგრამები:

1.„დმანისის მუნიციპალიტეტში უმაღლესი განათლებისა და ჯანსაღი ცხოვრების წესის პოპულარიზაციის მიზნით, წარჩინებულ სტუდენტთა და წარმატებული (პრიზიორი) სპორტსმენების წახალისების ქვეპროგრამის განხორციელების წესი“;

2.დმანისის მუნიციპალიტეტში პროფესიული განათლების განვითარების ხელშეწყობის მიზნით, პროფესიულ სტუდენტთა ხელშეწყობის ქვეპროგრამის განხორციელების წესი და პირობები;

3.დმანისის მუნიციპალიტეტში ფეხბურთის, როგორც სპორტის ერთერთი სახეობის პოპულარიზაციისა და ნორჩი სპორტსმენების ხელშეწყობის მიზნით, ნორჩ ფეხბურთელთა ხელშეწყობის ქვეპროგრამის განხორციელების წესი და პირობები;

4.დმანისის მუნიციპალიტეტში, ახალგაზრდობის პოლიტიკის განხორციელების მიზნით, წარმატებული, ნიჭიერი ახალგაზრდობის მხარდაჭერის ქვეპროგრამის განხორციელების წესი და პირობები.

➤ სოფლის მეურნეობის განვითარების ხელშეწყობის მიზნით დამტკიცდა დმანისის მუნიციპალიტეტის ტერიტორიაზე სოფლის მეურნეობის მხარდაჭერის პროგრამა, სადაც საკრებულოს ფრაქცია „ქართული ოცნება- დემოკრატიული საქართველოს“ ინიციატივით შესაძლებელია ბენეფიციართა დამატებით განსაზღვრა თუ აკმაყოფილებს შესაბამის კრიტერიუმს.

ამ პროგრამის ბენეფიციარებისათვის მომსახურება არის უფასო.

➤ საკრებულოს მიერ დამტკიცებული იქნა „სტიქიის შედეგად საქართველოს მაღალმთიანი რაიონებიდან დმანისის მუნიციპალიტეტის ტერიტორიაზე გადმოსახლებული, სოციალურად დაუცველი ოჯახების საკუთრებაში არსებული საცხოვრებელი სახლების სახურავების რეაბილიტაციის სოციალური პროგრამა“ რომლის მოსარგებლე პირი (ბენეფიციარი) შეიძლება იყოს - სტიქიის შედეგად საქართველოს მაღალმთიანი რეგიონიდან დმანისის მუნიციპალიტეტის ტერიტორიაზე გადმოსახლებული პირი, რომელსაც საკუთრებაში გააჩნია დმანისის მუნიციპალიტეტის ტერიტორიაზე სტიქიის შედეგად დაზარალებული პირებისათვის აშენებული საცხოვრებელი სახლი, რომლის სახურავი არის დაზიანებული და შესაბამისი კომისიის დასკვნის საფუძველზე დაუყოვნებლივ საჭიროებს სარემონტო სამუშაოებს; აღნიშნული პროგრამით 2022 წელს მოეწყო 10 საცხოვრებელი სახლის სახურავი, მიმდინარე 2023 წელს 17 სახურავი და მომდევნო 2024 წელს კიდევ იგეგმება 20-მდე ახალი სახურავის მოწყობის სამუშაოების შესყიდვა, მინდა ავღნიშნო რომ თქვენი მხარდაჭერით ვიმედოვნებთ ამ პროგრამის გაგრძელებას მომდევნო წლებშიც.

➤ როგორც საკრებულოს წევრმა საკრებულოს წინაშე წარვადგინე ინიციატივა- - დმანისის მუნიციპალიტეტის მეწარმეობის განვითარების პროგრამის განხორციელების წესის შესახებ, რომლის მიღების მიზანს წარმოადგენს, დმანისის მუნიციპალიტეტის ტერიტორიაზე სოფლის მეურნეობის მხარდაჭერა, რეგიონში აგროტურისტული პოტენციალის განვითარება, ადგილობრივ დონეზე გენდერული თანასწორობის პოლიტიკის ხელშეწყობის მიზნით, სოფლად მცხოვრებ ქალთა ეკონომიკური გაძლიერება და სოციალური ინკლუზიის ხელშეწყობა, რეგიონში სამუშაო ადგილების შექმნა და ა.შ.

➤ საკრებულოს მიერ დამტკიცებული იქნა დმანისის მუნიციპალიტეტის შეზღუდული შესაძლებლობების მქონე პირთა უფლებების დაცვის 2023 წლის სამოქმედო გეგმა, რომლის მიზანია შეზღუდული შესაძლებლობის მქონე პირთა უფლებების დაცვის სისტემური გარანტიების გაძლიერება და საზოგადოებრივი ცხოვრების ყველა სფეროში მათი მონაწილეობის გაზრდა. შშმ პირების დამოუკიდებელი ცხოვრების ხელშეწყობა და მისაწვდომობის გარანტიების გაძლიერება.

➤ ჩემი ჩართულობით თქვენთან და მერიის სამსახურებთან სამუშაო პროცესში შემუშავებული იქნა და დამტკიცებული დმანისის მუნიციპალური ნარჩენების მართვის 5-წლიანი გეგმა (2023-2027) რომელიც მოიცავს:

- ა) ინფორმაციას მოსახლეობისგან ნარჩენების შეგროვების არსებული სისტემის შესახებ;
- ბ) მონაცემებს შეგროვებული, აღდგენილი და განთავსებული არასახიფათო ნარჩენების რაოდენობისა და სახეობების შესახებ;
- გ) მონაცემებს მოსახლეობისგან შეგროვებული, აღდგენილი და განთავსებული სახიფათო ნარჩენების რაოდენობისა და სახეობების შესახებ;
- დ) ნარჩენების დამუშავების საწარმოების ადგილმდებარეობას;
- ე) ინფორმაციას მუნიციპალური ნარჩენების, მათ შორის ბიოდეგრადირებადი ნარჩენებისა და შეფუთვის ნარჩენების სეპარირებული შეგროვებისა და აღდგენის სისტემის დანერგვის მიზნით დაგეგმილი ღონისძიებების შესახებ;
- ვ) ნარჩენების დამუშავების ახალი ობიექტების მშენებლობის გეგმებს;
- ზ) ნარჩენების მართვის საკითხებზე საზოგადოების ცნობიერების ამაღლების პროგრამებს;
- თ) ნარჩენების მართვის სფეროში სხვა მუნიციპალიტეტებთან თანამშრომლობის არსებულ და დაგეგმილ ღონისძიებებს;
- ი) გეგმით გათალისწინებულ ღონისძიებების განხორციელების გზებს და ვადებს, პასუხისმგებელ პირებს, სავარაუდო ხარჯებს და დაფინანსების წყაროებს.

➤ შემოღებული იქნა დმანისის მუნიციპალიტეტის ტერიტორიის დასუფთავების ადგილობრივი მოსაკრებლების განაკვეთების განსაზღვრისა და მოსაკრებლის გადახდის ინსტრუქციები, რის საფუძველზეც დმანისის მუნიციპალიტეტის მერიის მიერ შექმნილ იქნა დასახლებული ტერიტორიის დასუფთავების მოსაკრებლის ხაზინასთან ინტეგრირებული მართვის სისტემა, რომლის საშუალებითაც მოხდება აბონენტების აღრიცხვა-ადმინისტრირება, აბონენტის ნომრის მინიჭება. დასახლებული ტერიტორიის დასუფთავების მოსაკრებლის ხაზინასთან ინტეგრირებული მართვის სისტემის პროგრამის ინსტალაციისა და პროგრამაში მუშაობის სწავლების შემდგომ მოხდება გადამხდელთა მონაცემის ერთიანი ბაზის შექმნა;

➤ არასამთავრობო ორგანიზაციებთან თანამშრომლობის შედეგად საკრებულოს მიერ შემუშავებული იქნა დმანისის მუნიციპალიტეტის საკრებულოს წევრის ეთიკისა და ქცევის ზოგადი წესები, რომლის მიზანია, სახელმწიფოსა და საზოგადოების წინაშე დმანისის მუნიციპალიტეტის საკრებულოს წევრის, პასუხისმგებლობის გათვალისწინებით, მისთვის განისაზღვროს ქცევის მაღალი ეთიკური სტანდარტები, ხელი შეუწყოს დმანისის მუნიციპალიტეტის საკრებულოს მიმართ საზოგადოების ნდობის ამაღლებას, საკრებულოს წევრის მიერ თავისი მოვალეობების ღირსეულად, მიუკერძოებლად და კეთილსინდისიერად შესრულებას, საზოგადოების წინაშე ანგარიშვალდებულების ამაღლებას, მისი რეპუტაციის, პატივისა და ღირსების დაცვას.

➤ დმანისის მუნიციპალიტეტი საქართველოს მასშტაბით, 11 მუნიციპალიტეტს შორის მოხვდა, სადაც USAID-ის ადგილობრივი თვითმმართველობის პროგრამა განხორციელდება, გაფორმდა ურთიერთგაგების მემორანდუმები, რომელიც წარმოადგენს აშშ-ს საერთაშორისო განვითარების სააგენტოს (USAID) ადგილობრივი თვითმმართველობის პროგრამასა და მუნიციპალიტეტებს შორის თანამშრომლობის საფუძველს, რაც ხელს შეუწყობს აღნიშნული მუნიციპალიტეტების საქმიანობის გაუმჯობესებას და მუნიციპალიტეტის დასახლებებში მცხოვრები ადამიანების ცხოვრების ხარისხის გაზრდას.

➤ 2022 წელს საკრებულოს აპარატში დარეგისტრირდა პეტიციები: დმანისის მუნიციპალიტეტის ამამლოს თემში სკოლამდელი აღზრდისა და განათლების დაწესებულების შექმნისა და მისი ფუნქციონირების უზრუნველყოფის შესახებ”და დმანისის მუნიციპალიტეტის სოფელ ირგანჩაში

სკოლამდელი აღზრდისა და განათლების დაწესებულების შექმნისა და მისი ფუნქციონირების უზრუნველყოფის შესახებ”

საკრებულოს სივრცით-ტერიტორიული დაგეგმარების და ინფრასტრუქტურის კომისიამ განიხილა პეტიციები, ხოლო საკრებულომ კომისიის გადაწყვეტილება პეტიციების განხილვის მიზანშეუწონლად მიჩნევის თაობაზე ცნობად მიიღო., საფუძველი იყო ის გარემოება, რომ აღნიშნული სკოლამდელი აღზრდის დაწესებულებების მშენებლობის გადაწყვეტილება უკვე დაანონსებული იყო საქართველოს მთავრობის მიერ. ორივე სოფელში იქნება თანამედროვე სტანდარტის სკოლამდელი აღზრდის დაწესებულება რომელიც გათვლილია 125 ბავშვზე და მოემსახურება ახლოს მდებარე სოფლებსაც.

განისაზღვრა საკრებულოს თანამდებობის პირების მიერ მოქალაქეთა მიღების გრაფიკი.

მიმდინარე საანგარიშო პერიოდში შევხვდი მუნიციპალიტეტის სოფლების მოსახლეობას სხვადასხვა პროექტებისა და პროგრამების განხორციელების მიმდინარეობისას:

✦ მერთან, კობა მურადაშვილთან ერთად შევხვდით სოფლების: სოგუთლოს, უსეინქენდის პირველი და მეორე სალამაღიქისა და მამიშლარის მოსახლეობას

✦ შეხვედრაზე განვიხილეთ განხორციელებული პროექტები და სამომავლო გეგმები, სოფლისთვის მნიშვნელოვანი და პრიორიტეტული საკითხები.

მერთან, ერთად მონაწილეობა მივიღეთ, ქალაქ დმანისში N2 ახლად რეაბილიტირებული საბავშვო ბაღის გახსნაში.

✦ პროექტის ფარგლებში სრული რეაბილიტაცია ჩატარდა შენობას, შეიცვალა ძველი ელექტრო, საკანალიზაციო და წყლის სისტემა, მოეწყო სველი წერტილები, ცენტრალური გათბობა, სააღმზრდელო ოთახები, საძინებლები და სამზარეულო. ეზოში დამონტაჟდა ატრაქციონები. შემოიღობა ეზოს პერიმეტრი.

✓ მერთან ერთად მონაწილეობა მივიღეთ სახალხო დამცველის აპარატის გენდერის დეპარტამენტის თანამშრომლების მიერ „გენდერული თანასწორობისა და სექსუალური შევიწროების“ საკითხებზე შეხვედრაზე, სადაც ისაუბრეს ძალადობის მსხვერპლთათვის არსებული სერვისების ხელმისაწვდომობასა და მხარდამჭერი ღონისძიებების აუცილებლობაზე.

✓ სოფლის მხარდაჭერის პროგრამის ფარგლებში მერთან ერთად გავმართეთ შეხვედრები მოსახლეობასთან, საკრებულოს წარმომადგენლების და მერიის თანამშრომლებთან მონაწილეობით.

ასევე შეხვედრები გავმართეთ კარაბულახის და კამარლოს ადმინისტრაციულ ერთეულებში შემავალ სოფლებში.

✦ მოსახლეობასთან შეხვედრისას პროგრამის ფარგლებში განსახორციელებელ ძირითად პრიორიტეტებზე ვისაუბრეთ სადაც შემდეგი პრიორიტეტები გამოიკვეთა.

✦ გარე განათების სისტემის მოწყობა

✦ გზის რეაბილიტაცია

✦ სასამელო წყლის მოწყობა

✓ შეხვედრები ასევე გაიმართა ოროზმანის ადმინისტრაციულ ერთეულში შემავალ სოფლებში სადაც მიღებული იქნა შემდეგი გადაწყვეტილებები:

✦ ზემო ოროზმანი - საზოგადოებრივ თავშეყრის ადგილებში სველი წერტილების მოწყობა;

✦ ქვემო ოროზმანი - გარე განათების სისტემის მოწყობა;

✦ მთისძირი - სკვერის მოწყობა;

✦ ვაკე - გარე განათების სისტემის მოწყობა;

✦ დალარი - გარე განათების სისტემის მოწყობა;

✦ კიზილქილისა - გარე განათების სისტემის მოწყობა;

✦ აზერბაიჯანული კაკლიანი - გარე განათების სისტემის მოწყობა.

მერთან და თვითმმართველობის წარმომადგენლებთან ერთად თითოეულ სოფელში, ადგილობრივი თემისთვის პრიორიტეტული საპროექტო წინადადებები მოსახლეობასთან ერთად განვიხილეთ.

◆წყალი, გარე განათება, სკვერისა და სველი წერტილების, სანიაღვრე არხების მოწყობა, გზის მოხრეშვა - ეს ის ძირითადი საჭიროებებია, რომელიც მოსახლეობის მხრიდან სოფლის საერთო კრებებზე ყველაზე ხშირად დასახელდა.

◆2023 წელს დმანისის მუნიციპალიტეტში სოფლის მხარდაჭერის პროგრამით, საქართველოს რეგიონებში განსახორციელებელი პროექტების ფონდიდან 686 000 ლარი გამოიყო, რასაც ადგილობრივი ბიუჯეტიდან, თანადაფინანსებით გამოყოფილი თანხებიც საჭიროებისამებრ დაემატა უმეტეს შემთხვევაში მოხდა გამოყოფილი თანხების გასამმაგება. სოფლებში საკონსულტაციო შეხვედრები 26 იანვრიდან 8 თებერვლის ჩათვლით გაიმართა. თითოეულ სოფელში ის ინფრასტრუქტურული პროექტები დაიგეგმა რომელიც მოსახლეობამ ხმათა უმრავლესობით გადაწყვიტა. შერჩეული პროექტები კი დასამტკიცებლად დმანისის მუნიციპალიტეტის საკრებულოს წარედგინება. ყველა მათგანი უკვე დაკონტრაქტებულია, ნაწილი დასრულებულია.

◆საქართველოს განათლებისა და მეცნიერების სამინისტროს და დმანისის მუნიციპალიტეტის თვითმმართველობის თანამშრომლობით, სსიპ ქალაქ დმანისის ამამლოს საჯარო სკოლაში 27 აღსაზრდელზე გათვლილი სასკოლო მზაობის ჯგუფი გახსენით. აქვე მინდა ავღნიშნო, რომ მუნიციპალიტეტში მოიმატა მომართვიანობამ და საჭიროებიდან გამომდინარე, ქალაქ დმანისის N2 საადმინისტრაციო დაწესებულებას დაემატა მეორე ჯგუფი, რომელიც გათვლილია 21 აღსაზრდელზე.

მონაწილეობა მივიღეთ შვეიცარიული აგრარული სკოლა კავკასია • Swiss Agricultural School Caucasus დმანისში ახალ ტრენინგ-ცენტრის დაფუძნების ღონისძიებაში. პროექტი მიზნად ისახავს შვეიცარიული ინდივიდუალური სწავლების პრინციპებზე დაფუძნებული მაღალხარისხისანი პრაქტიკული პროგრამების შეთავაზების გზით ფერმერებისა და რძის გადამამუშავებლებისთვის დასაქმებისა და პროდუქტიულობის ზრდის შესაძლებლობების შექმნას.

მონაწილეობა მივიღეთ „დავასუფთაოთ მსოფლიო“ კამპანიის ფარგლებში, დმანისის მუნიციპალიტეტის საკრებულოს წევრებთან ერთად, დმანისში სხვადასხვა ადგილების დაასუფთავების აქციაში.

მივიღე მონაწილეობა ასევე მუნიციპალიტეტში განხორციელებულ სხვადასხვა კულტურულ-საგანმანათლებლო ღონისძიებებსა და შეხვედრებში.

ჩვენი ერთობლივი ძალისხმევით შედეგად ახალი სკოლების აშენების მიზნით განხორციელდა ძველი ამორტიზებული შენობების სოფ. განთიადის, სოფ. ოროზმანის და სოფ. საფარლოს სკოლების სრული დემონტაჟი. (საფარლო მიმდინარეობს).

24 ოქტომბერს უკვე დაიწყო ზემო ოროზმანის ახალი სკოლის მშენებლობის ნებართვის გაცემის პროცედურები, დანარჩენებსაც ველოდებით.

ასევე დაიგეგმა სოფ. მაშავერის საჯარო სკოლის სრული რეაბილიტაცია, რის გამოც მოსწავლეებს უწევთ სხვა სკოლაში ტრანსპორტირება, რომელსაც ახორციელებს განათლების სამინისტრო ჩვენი ჩართულობით.

ყველა ხედავთ ასევე რომ მიმდინარეობს სოფ. დიდი დმანისის საჯარო სკოლის სრული რეაბილიტაცია.

ასევე თქვენი მხარდაჭერით დავგეგმეთ და შევიძინეთ სამი ახალი ავტობუსი მილიონ ასი ათასის ღირებულების, რომელიც ტენდერის პირობებიდან გამომდინარე მოგვეწოდება 2024 წლის პირველ კვარტალში და პირველყოვლისა მოემსახურება მუნიციპალიტეტის მოსახლეობას;

ასევე როგორც იცით სერვის ჯგუფის მომსახურების გაფართობის მიზნით შევიძინეთ ახალი ტენიკა თვითმცლელი სატვირთოს ავტომანქანის შესყიდვა 92170 ლარი;
ამწე კალათიანი ტიპის ავტომანქანის შესყიდვა 122770 ლარი;
ნაგავმზიდის შესყიდვა 430630 ლარი;

იაპონის საელჩოს გრანტით მყარი ნარჩენების ავტომანქანა 120212 ლარის ღირებულებით.

როგორც მოგეხსენებათ გახლავართ აგრეთვე გენდერული თანასწორობის საბჭოს თავმჯდომარე, საბჭოს ინიციატივით სხვადასხვა საჭირო ღონისძიებები და აქტივობები განხორციელდა რომლის ანგარიშს დეტალურად წლის ბოლოს წარმოგიდგენთ.